

四庫全書

史部

欽定四庫全書

欽定八旗通志卷七十九

典禮志二

八旗朝儀

附王公相見迴避等儀

一朝期順治八年三月定王以下輔國公以上一

月三次大朝照常集

午門內諸王朝房其五日朝期集

太和門

順治九年定凡八旗武職官員大節及常朝日上
朝外每月初一初十二十日具補服於

午門外分翼坐班如遇

皇帝巡幸除朝期外每日於

午門外分翼坐班止用常服

又題准王貝勒貝子公大臣凡遇

恩賞俱於每月常朝日進

內行禮

一朝位康熙元年定大朝及常朝日齊集親王世子郡王長子貝勒貝子入八分公鎮國公輔國公在丹陛上序立東西各二班親王郡王貝勒為一班貝子入八分公為二班公侯伯都統子尚書第一班護軍統領副都統前鋒統領侍郎男步軍翼尉大九卿第二班一等侍衛護衛參領輕車都尉步軍協尉小九卿郎中第三班二等侍衛護衛騎都尉佐領員外郎科道官第四班三等侍衛護衛

雲騎尉鳴贊官主事步軍校第五班護軍校驍騎校博士筆帖式第六班其坐次各照職銜不論加級十六年題准每月常朝期及大節齊集滿員公侯伯鎮國將軍都統尚書左都御史子及凡一品官第一班輔國將軍護軍統領前鋒統領步軍統領副都統侍郎學士左副都御史通政使大理寺卿詹事府詹事男及凡二品官第二班奉國將軍步軍翼尉長史叅領一等侍衛護衛太常寺卿太

僕寺卿光祿寺卿祭酒通政副使大理寺少卿少
詹督捕理事官侍讀學士侍講學士侍讀侍講庶
子諭德洗馬鴻臚寺卿郎中給事中監察御史太
常寺少卿太僕寺少卿輕車都尉及凡三品官第
三班步軍協尉佐領司儀長二等侍衛護衛欽天
監監正內閣侍讀司業光祿寺少卿鴻臚寺少卿
通政使司叅議中允員外郎騎都尉及凡四品官
第四班三等侍衛護衛雲騎尉步軍校贊善欽天

監監副太常寺寺丞主事大理寺寺正光祿寺署
正都察院經歷及凡五品官第五班護軍校驍騎
校通政使司知事大理寺評事鳴贊官司務司庫
等各職掌官及凡六品官六品筆帖式第六班七
品官七品筆帖式第七班八品官八品筆帖式第
八班九品官第九班

乾隆十六年重定百官班次皆依品序列正從一
品為一班二品為二班遞至九品分為九班至翰

林詹事為文學侍從之臣少詹事侍讀學士侍講
學士仍舊列三班庶子侍讀侍講洗馬國子監祭
酒改列四班中允贊善司業編修檢討庶吉士改
列五班其京營武職朝班及外省提鎮等官遇事
入朝照康熙二十二年所定直省行禮班位提督
二班總兵官三班副將叅將四班遊擊五班守備
六班千總等官七班均附於右翼各班之末
一王公等入朝隨從順治九年定凡王公等進

午門親王隨護衛六員世子郡王五員郡王長子貝勒四員貝子三員公二員民公侯伯都統子護軍統領副都統尚書侍郎許隨人役一名其餘不許隨從

又定親王以下貝勒以上進

宮門隨護衛一員貝子以下不許隨進

康熙元年題准凡親王以下公以上進

午門時順治九年例如詣

御前止許隨護衛一員

六年題准親王郡王進

午門時止許隨護衛二員貝勒以下公以上許隨護
衛一員

二十二年題准親王以下公以上進

午門時隨從人數仍照順治九年例如詣

御前王貝勒年未滿十六歲者許隨護衛二員

一稽查雍正三年八月議准

紫禁城內各門一應看守之處甚屬緊要今在

內行走諸王大臣官員及各執事人等仍照常令在

景運門隆宗門後左門出入其後右門原係膳房茶

房及應行走之執事人等出入之門亦應仍照舊

例其餘不許出入令該班大臣官員問明其不應

出入者即行攔阻如有奏事大臣等帶領閒人行

走而該班大臣官員等不行稽查致有混入者將

帶入之大臣及該班之大臣章京護軍校護軍等

一併治罪再

皇上躬祭

壇

廟及陞

殿之日一應執事人等俱於五鼓入內伺候寅夜之際無憑稽查俱令各該管人等帶入其部院大臣官員原從後左門出入仍令侍衛等隨入其內閣兵部理藩院官員及兼理部務在

內行走之王大臣處回事官員等仍照舊例令在

景運門隆宗門出入左翼門右翼門昭德門貞度門

此四門除官員執事人等行走外跟隨之家人一

槩不許行走如有違禁擅入者將家人之主及該

班之章京護軍校護軍等一併治罪倘看守之人

怠玩不行查問致有閒人混入者經臣等查出將

該班章京護軍校護軍等各交該部從重治罪

雍正十二年九月題准凡遇

皇上親祭

壇

廟令每旗於叅領內派能管轄者二人令其查認各旗齊

集官員又每翼再派監察御史二員查旗侍衛章

京二員令其稽查

十二年十一月題准

景運門隆宗門寶為要地嗣後除

內廷行走之王貝勒貝子宗室公等仍准其行走外

其餘王貝勒貝子宗室公等俱令由

後左門出入親王以下宗室公以上仍照前准帶跟隨人其大臣等跟隨之人槩不准入其

乾清門侍衛奏事批本人員領侍衛內大臣散秩大臣值班侍衛茶飯房並預備弓箭持傘人及打牲執事人等侍衛筆帖式內務府大臣官員筆帖式鑾儀衛大臣官員再現今辦理軍機事務大臣官員等俱令由

景運門隆宗門後左門行走外其部院八旗大臣官員俱令由

後左門行走俟

命下之日通行傳諭令各處將應行走人等職名開寫行

文

景運門值班大臣處登記檔案查對准行如司門人等不行詳查仍令混行出入將值班之大臣官員以及護軍人等一併交部從重治罪

乾隆三年定每月八旗官員坐班禮部兵部各派司員二人稽察

六年奏准每逢朝期八旗官員除有公事外不赴朝班者稽察御史會同該部將官員過少旗分察明緣由指叅交部察議

王公迴避儀

欽差及賁捧

勅旨或

欽賜恩賞者遇王等於道及過王府門不下馬其王公官員等相遇或讓道或迴避禮各不同

崇德元年定親王出行郡王遇讓道行貝勒遇執事迴避讓道旁行貝子鎮國公固倫額駙和碩公主額駙遇勒馬鞠躬側立道旁候過輔國公鎮國將軍民公都統尚書以下遇俱下馬立道旁候過固倫公主和碩公主遇相讓尊長在先分路行郡主以下縣君以上遇停車候過郡王出行貝勒公

主以下遇與親王迴避儀同貝勒出行貝子鎮國公固倫額駙和碩公主額駙遇讓道旁行輔國公鎮國將軍民公都統尚書遇勒馬側立道旁候過輔國將軍副都統侍郎等官以下遇俱下馬立道旁候過固倫公主和碩公主遇貝勒讓道行郡主縣主郡君遇相讓分路行縣君遇停車候過貝子出行鎮國公和碩公主額駙遇分路行輔國公鎮國將軍民公都統尚書遇讓道旁行輔國將軍副

都統侍郎及叅領等官遇勒馬側立道旁候過佐
領等官以下遇俱下馬候過固倫公主和碩公主
遇貝子勒馬候過郡主縣主遇貝子讓道行郡君
縣君遇相讓分路行鎮國公出行輔國公鎮國將
軍民公都統尚書遇分路行輔國將軍副都統侍
郎及叅領等官遇勒馬側立道旁候過佐領以下
等官遇俱下馬候過輔國公出行鎮國將軍都統
尚書等官遇分路行輔國將軍副都統侍郎等官

遇讓道旁行奉國將軍叅領佐領等官遇勒馬立
於道旁候過護軍校驍騎校等官及軍民人等遇
俱下馬候過鎮國將軍出行輔國將軍副都統侍
郎等官遇分路行奉國將軍叅領佐領等官遇勒
馬立於道旁候過護軍校驍騎校等官及軍民人
等遇俱下馬候過輔國將軍出行奉國將軍叅領
等官遇讓道旁行佐領等官遇勒馬候過護軍校
驍騎校等官及軍民人等遇俱下馬候過奉國將

軍出行佐領等官遇讓道行護軍校驍騎校等官
及軍民人等遇俱勒馬候過凡間散宗室遇親王
以下輔國將軍以上俱下馬遇民公以下大臣俱
不下馬分路行凡覺羅有職者各照品級迴避無
職者遇親王以下輔國將軍以上俱下馬遇民公
都統尚書等官俱引馬迴避其餘各官俱不迴避
讓道行

順治八年題准一應迴避等儀俱照崇德元年例

行其新設官員侯伯與民公同內大臣與都統同
男與副都統同輕車都尉與叅領同騎都尉雲騎
尉與佐領同

康熙十八年題准和碩公主遇親王郡王停車候
過遇貝勒相讓分路行遇貝子貝子讓道行和碩
公主額駙郡主額駙遇親王郡王俱下馬立道旁
候過遇貝勒馬側立道旁候過遇貝子讓道旁
行過鎮國公分路行閒散宗室遇和碩公主額駙

不下馬分路行覺羅無職者遇和碩公主額駙不
下馬引道迴避餘俱照舊例行凡過諸王府門崇
德元年定親王府門郡王過并隨從人員俱不下
馬貝勒過鞠躬趨馬過隨從人員俱下馬親王妃
郡王妃過序長幼應下輿者步行過不應下輿者
徑過隨從婦女各照其主固倫公主和碩公主郡
主縣主過并隨從婦女俱不下車馬隨從人員俱
下馬郡君縣君過不下輿隨從婦女俱下車馬貝

子和碩公主額駙民公以下官員及軍民人等過
俱下馬貝勒夫人以下官員命婦及軍民人等婦
女過俱下車馬郡王府門與親王同貝勒府門貝
子鎮國公過不下馬隨從人員俱下馬輔國公和
碩公主額駙民公以下官員及軍民人等過俱下
馬貝勒夫人過序長幼應下輿者步行過不應下
輿者徑過隨從婦女各照其主郡君縣君過并隨
從婦女俱不下車馬隨從人員俱下馬貝子夫人

以下官員命婦及軍民人等婦女過俱下車馬
內外王公相見儀

崇德年間定外藩親王見內親王內親王出殿降
階迎內親王居左外親王居右俱由中門入內親
王在東向西立外親王在西向東立外親王行二
跪六叩頭禮內親王答禮畢內親王坐於東外親
王坐於西其隨從官員於殿外行二跪六叩頭禮
隨伊主後坐宴畢隨從官員先行一跪一叩頭禮

外親王離位行一跪一叩頭禮內親王答禮外親王起行內親王送至階下回府本府官送出府門外外藩郡王見內親王內親王出殿迎不降階內親王由中門先入外郡王隨後入內親王在東向西立外郡王在西向東立外郡王行二跪六叩頭禮內親王跪受半禮答半禮畢內親王坐於東外郡王坐於西其隨從官員於殿外行二跪六叩頭禮隨伊主後坐宴畢隨從官員先行一跪一叩頭

禮外郡王離位行一跪一叩頭禮內親王答跪拱手不叩外郡王起行內親王送出殿不降階本府官送出府門外外藩貝勒見內親王內親王離坐迎不出殿外貝勒由西旁門入行二跪六叩頭禮內親王躬身拱手禮畢內親王坐於中外貝勒坐於西旁其隨從官員於殿外行二跪六叩頭禮隨伊主後坐宴畢隨從官員先行一跪一叩頭禮外貝勒離位行一跪一叩頭禮內親王躬身拱手外

貝勒起行內親王不送本府官送出府門外外藩
貝子見內親王部堂官引進殿外貝子行二跪六
叩頭禮內親王躬身拱手坐受禮畢外貝子在西
側坐其隨從官員於殿外行二跪六叩頭禮隨伊
主後坐宴畢貝子離位行一跪一叩頭禮內親王
躬身拱手坐受隨從官員在殿外行一跪一叩頭
禮外貝子起行內親王不送本府官送出府門外
外藩公見內親王禮與外藩貝子見內親王禮同

外藩親王見內郡王內郡王迎至大門內郡王居
東外親王居西俱由中門入內郡王在東向西立
外親王在西向東立對行二跪六叩頭禮畢內郡
王坐於東外親王坐於西其隨從官員行二跪六
叩頭禮隨伊主後坐宴畢隨從官員先行一跪一
叩頭禮外親王內郡王各就坐行一叩頭禮外親
王起行內郡王送至大門內回本府官送出府門
外外藩郡王見內郡王禮與外藩親王見內親王

禮同外藩貝勒見內郡王禮與外藩郡王見內親王禮同外藩貝子見內郡王禮與外藩貝勒見內親王禮同外藩公見內郡王禮與外藩貝子見內親王禮同外藩親王見內貝勒內貝勒出府門外迎內貝勒居東外親王居西俱由中門入外親王先行內貝勒稍後外親王在西向東立內貝勒在東向西立對行一跪三叩頭禮畢外親王坐於西內貝勒坐於東其隨從官員行一跪三叩頭禮隨

伊主後坐宴畢隨從官員先行一跪一叩頭禮外
親王內貝勒各就坐行一叩頭禮起行讓外親王
先行內貝勒稍後送出府門外外藩郡王見內貝
勒內貝勒迎至大門內貝勒居東外郡王居西俱
由中門入外郡王在西向東立內貝勒在東向西
立對行一跪三叩頭禮畢外郡王坐於西內貝勒
坐於東其隨從官員行一跪三叩頭禮隨伊主後
坐宴畢隨從官員先行一跪一叩頭禮外郡王內

貝勒各就坐行一叩頭禮外郡王起行內貝勒送至大門回本府官送出府門外外藩貝勒見內貝勒禮與外藩郡王見內郡王禮同惟初見時內外貝勒各行一跪三叩頭禮隨從官員亦行一跪三叩頭禮外藩貝子見內貝勒禮與外藩貝勒見內郡王禮同惟初見時外貝子行一跪三叩頭禮內貝勒跪而拱手隨從官員亦行一跪三叩頭禮外藩公見內貝勒禮與外藩貝子見內郡王禮同惟

初見時外藩公及隨從官員俱行一跪三叩頭禮
外藩親王郡王貝勒見內貝子公內貝子公出大
門外迎外親王等居西先入內貝子公居東後入
外親王等在西向東立內貝子公在東向西立對
行一跪一叩頭禮畢外親王等坐於西內貝子公
坐於東其隨從官員行一跪一叩頭禮內貝子公
於坐拱手隨從官員各隨伊主後坐宴畢隨從官
員先行一跪一叩頭禮內貝子公仍於坐拱手外

親王等內貝子公各就坐行一叩頭禮外親王等
起行內貝子公送出大門外候乘馬方回外藩貝
子見內貝子內貝子出堂迎內貝子居東外貝子
居西俱由中門入內貝子在東向西立外貝子在
西向東立外貝子行一跪一叩頭禮內貝子答禮
畢內貝子坐於東外貝子坐於西其隨從官員行
一跪一叩頭禮隨伊主後坐宴畢隨從官員先行
一跪一叩頭禮外貝子離位行一跪一叩頭禮內

貝子答禮外貝子起行內貝子送出堂本府官送出府門外外藩公見內貝子禮與外藩貝子見內貝子勒禮同惟初見時外藩公及隨從官員俱行一跪一叩頭禮外藩貝子見內公內公出大門迎外貝子居西內公居東俱由中門入內公在東向西立外貝子在西向東立對行一跪一叩頭禮畢外貝子坐於西內公坐於東隨從官員行一跪一叩頭禮隨伊主後坐宴畢隨從官員先行一跪一叩

頭禮外貝子與內公各就坐對行一叩頭禮外貝子起行內公送至大門本府官送出府門外外藩公見內公禮與外藩貝子見內貝子禮同

八旗官員迴避儀

崇德元年定固倫額駙出行鎮國公和碩公主額駙過分路行輔國公鎮國將軍民公都統尚書等官遇讓道旁行輔國將軍副都統侍郎及叅領等官遇勒馬立於道旁候過佐領等官以下遇俱下

馬候過

若額駙係親王郡王貝勒各照本爵

超等公和碩公主額駙

出行都統子尚書等官遇讓道旁行副都統侍郎

叅領等官遇勒馬立於道旁候過佐領等官以下

遇俱下馬候過

若額駙係親王郡王貝勒貝子各照本爵

民公郡主額

駙出行都統子尚書等官遇分路行副都統侍郎

等官遇讓道旁行叅領佐領等官遇勒馬立於道

旁候過護軍校驍騎校管官及軍民人等俱下馬

候過都統子尚書縣主額駙出行副都統侍郎等

官遇讓道旁行叅領佐領等官遇勒馬立於道旁
候過護軍校驍騎校等管及軍民人等俱下馬候
過內大臣副都統護軍統領前鋒統領郡君額駙
大學士侍郎等官出行叅領等官遇讓道旁行佐
領等官遇勒馬候過護軍校驍騎校等官及軍民
人等俱下馬候過一等侍衛護衛叅領前鋒叅領
縣君額駙學士啟心郎郎中等官出行佐領等官
遇讓道旁行護軍校驍騎校等官及軍民人等遇

俱勒馬候過二等侍衛護衛鄉君額駙佐領員外郎等官出行護軍校驍騎校等官及軍民人等遇讓道旁行凡超品公以下文武各官命婦俱照本

夫迴避例

又定凡奉

欽差及捧齋

勅旨或

欽賜恩賞者遇應迴避官不下馬分路行

順治八年題准官員迴避等儀俱與崇德元年定
例同其新設官員侯伯與民公同男與副都統同
輕車都尉與叅領同騎都尉雲騎尉與佐領同內
大臣改與都統同

九年題准民公和碩公主額駙郡主額駙侯伯出
行都統子尚書等官遇分路行副都統侍郎等官
遇讓道旁行叅領郎中佐領員外郎雲騎尉主事
等官遇勒馬立於道旁候過護軍校驍騎校等官

及軍民人等俱下馬候過都統內大臣子尚書縣
主額駙出行副都統侍郎等官遇讓道旁行叅領
郎中佐領員外郎雲騎尉主事等官遇勒馬立於
道傍候過護軍校驍騎校等官及軍民人等俱下
馬候過護軍統領步軍統領副都統侍郎男前鋒
統領郡君額駙等官出行叅領郎中等官遇讓道
旁行佐領員外郎雲騎尉主事等官遇勒馬候過
護軍校驍騎校等官及軍民人等俱下馬候過一

等侍衛護衛叅領輕車都尉郎中縣君額駙等官
出行佐領員外郎雲騎尉主事等官遇讓道旁行
護軍校驍騎校等官及軍民人等遇俱勒馬候過
二等侍衛護衛騎都尉佐領員外郎鄉君額駙雲
騎尉主事等官出行護軍校驍騎校等官及軍民
人等遇讓道行凡民公以下文武各官命婦俱照
本夫迴避例

康熙十八年題准在京武職民公侯伯以下散秩

大臣男以上文職大學士尚書以下學士大九卿
以上許用引馬一騎官卑者及軍民人等遇俱照
例下馬迴避違者送該部議處其不應用引馬而
擅用者官交該部議處民交刑部治罪

八旗官員理事儀

雍正五年六月禮部議覆據吏部侍郎兼副都統
岳爾岱奏稱各省督撫提鎮以下州縣千總以上
俱定有相見之儀各部院衙門亦俱各有儀注惟


旗下大臣官員並無定例以致儀節參差不能畫
一仰請交與該部查其品級編定儀注以便遵行
等語應如所奏嗣後八旗公所辦事都統正坐副
都統旁坐其叅領於副都統稍後兩旁坐佐領以
下及散秩官員各照品級序坐有事叅領起立回
話佐領以下官員俱屈一足回話其侍衛藍翎侍
衛並騎都尉以上之副叅領署叅領俱照叅領之
例行雲騎尉以下之副叅領署叅領俱照佐領之

例行驍騎校等有事於叅領前屈一足回話於佐
領前侍立回話閒散官員如有公事於都統副都
統前男以上官員侍立回話輕車都尉以下官員
屈一足回話管旗務之王宗室公前叅領以下官
員俱屈一足白事管佐領之大臣各照品級行小
京堂以及科道等官管佐領者照叅領之例行宗
室管佐領者在旗下大臣前俱侍立白事其前鋒
統領護軍統領在各公所辦事前鋒叅領前鋒侍

衛護軍叅領侍衛副叅領藍翎副叅領侍衛署叅
領騎都尉以上副叅領署叅領俱照八旗叅領之
例行雲騎尉以下副叅領署叅領護軍校副叅領
署叅領俱照八旗佐領之例行前鋒校護軍校俱
照八旗驍騎校之例行其步軍統領衙門辦事步
軍統領正坐步軍總尉旁坐步軍副尉在步軍統
領前屈一足白事在步軍總尉前侍立白事步軍
校城門校於統領總尉前俱屈一足白事於副尉

前侍立白事凡八旗官員在公所辦事如遇別旗大臣亦照見本旗大臣之例行倘有越分違例任意行走者聽該管大臣並查旗御史題叅交與該部議處奉

旨宗室管佐領者於王公前著屈一足回話餘依議



欽定八旗通志卷七十九

欽定四庫全書

史部

欽定八旗通志卷

八十二

欽定四庫全書

欽定八旗通志卷八十

典禮志三

八旗儀制

諸王儀仗
官員儀仗

公主王妃等儀仗

八旗

諸王以下儀仗

王府器用附

天聰六年二月禮部定旗傘等儀仗除出征仍照舊規外凡近地往來大貝勒旗二對傘一柄校尉四人諸貝勒等各旗一對傘一柄校尉二人如遇

金匱要略卷八十一
朝期諸貝勒不用旗傘止許校尉隨從若出郭門
仍用旗傘違例者罰羊凡赴

行在所諸貝勒旗傘校尉槩不許用惟大貝勒隨
駕行時許用傘著為令

崇德元年五月定親王郡王貝勒等儀仗仍照品
級分

賜銀兩令其製造

又定親王銷金紅傘二柄纛二桿旗十桿立爪一

對骨朵一對吾杖二對執事人青衣紅帶青帽銀
頂上挿紅翎郡王銷金紅傘一柄燾一桿旗八桿
卧瓜一對吾杖二對執事人衣帶帽頂與前同貝
勒銷金紅傘一柄燾一桿旗六桿骨朵一對紅杖
一對執事人衣帶帽頂與前同貝子彩畫雲紅傘
一柄豹尾鎗二桿旗六桿紅杖一對執事人衣帶
帽頂與前同城內止用傘杖鎮國公紅傘一柄豹
尾鎗二桿旗六桿紅杖一對執事人衣帶帽頂與

前同城內止用紅杖輔國公紅傘一柄豹尾鎗二
桿旗六桿紅杖一對執事人青衣紅帶藍翎紅氍
帽城內止用紅杖鎮國將軍金黃傘一柄旗六桿
城內用夜不收二名開路後隨人六名輔國將軍
執事與鎮國將軍同城內用夜不收一名開路後
隨人四名奉國將軍旗四桿城內用從人四名
順治元年正月增和碩親王儀仗撒袋二副大刀
二柄鎗二桿多羅郡王大刀二柄鎗二桿多羅貝

勒大刀二柄

三月禮部議定諸王貝勒等儀仗凡行獵出兵和碩親王多羅郡王多羅貝勒隨帶儀仗不用前導或專領兵馬或鎮守城池儀仗前導奏樂而行貝子儀仗內增條燾一桿其旗幅視多羅貝勒條燾短五寸

二年二月定和碩親王多羅郡王多羅貝勒固山貝子儀仗郡王以上用五爪龍貝勒以下不許用

三年五月定諸王貝勒貝子公等儀仗引導之例
和碩親王繡紅羅曲柄傘一銷金紅羅傘二繡團
紅羅傘二青羅孔雀團扇二繡團紅羅扇二立爪
二對卧爪二對骨朵二對吾杖二對纛二桿條纛
二桿旗十執大刀二口鎗二桿馬三對多羅郡王
繡紅羅曲柄傘一銷金紅羅傘二繡團紅羅扇二
青羅孔雀團扇二立爪二對卧爪二對骨朵一對
吾杖二對條纛二桿旗八執馬三對多羅貝勒銷

金紅羅傘二繡團紅羅扇二立瓜一對卧瓜一對
骨朶一對吾杖一對條燾一桿旗六執馬二對固
山貝子銷金紅羅傘一繡團紅羅扇二立瓜一對
骨朶一對吾杖一對條燾一桿旗六執鎮國公銷
金紅羅傘一青羅孔雀扇一骨朶一對吾杖一對
旗六執輔國公銷金紅羅傘一青羅孔雀扇一骨
朶一對吾杖一對旗四執

八年五月定世子儀仗繡紅羅曲柄傘一銷金紅

羅傘二繡紅羅圓傘一繡紅羅圓扇二繡孔雀青
羅圓扇二立爪四卧爪二骨朵二吾杖四大纛一
條纛二小旗八大刀二馬六

九年七月定諸王世子大朝常朝及京城內行走
儀仗和碩親王繡紅羅曲柄傘一柄繡紅羅圓傘
二柄繡紅羅圓扇一對立爪二對卧爪二對骨朵
二對吾杖二對馬四匹多羅郡王紅羅銷金傘二
柄繡紅羅圓扇一對立爪二對卧爪一對骨朵一

對吾杖二對馬二匹世子馬匹較郡王多二用馬
四匹其餘儀仗俱與郡王同

順治九年題准親王紅羅繡花曲柄傘一柄紅羅
銷金傘二柄紅羅繡花傘二柄紅羅繡花扇二把
青羅繡孔雀扇二把立瓜二對卧瓜二對骨朵二
對吾杖二對大纛二桿條纛二桿旗十桿大刀二
口豹尾鎗二桿馬六匹京城內止用曲柄傘一柄
繡花傘二柄繡花扇二把併立瓜卧瓜骨朵吾杖

馬四匹世子紅羅繡花曲柄傘一柄紅羅銷金傘
二柄紅羅傘一柄紅羅繡花扇二把青羅繡孔雀
扇二把立瓜二對卧瓜一對骨朵一對吾杖二對
大纛一桿條纛二桿旗八桿大刀二口馬六匹京
城內止用銷金傘二柄繡花扇二把併立瓜卧瓜
骨朵吾杖馬四匹郡王紅羅繡花曲柄傘一柄紅
羅銷金傘二柄紅羅繡花扇二把青羅繡孔雀扇
二把立瓜二對卧瓜一對骨朵一對吾杖二對條

纛二桿旗八桿馬六匹京城內止用銷金傘二柄
繡花扇二把併立瓜卧瓜骨朵吾杖馬二匹貝勒
紅羅銷金傘二柄紅羅繡花扇二把立瓜一對卧
瓜一對骨朵一對吾杖一對條纛一桿旗六桿馬
四匹京城內止用銷金傘一柄立瓜卧瓜骨朵吾
杖貝子紅羅銷金傘一柄紅羅繡花扇二把立瓜
一對骨朵一對吾杖一對條纛一桿旗六桿京城
內止用立瓜骨朵吾杖鎮國公紅羅銷金傘一柄

青羅繡孔雀扇一把骨朵一對吾杖一對旗六桿
京城內止用骨朵吾杖輔國公執事與鎮國公同
鎮國將軍輔國將軍奉國將軍執事仍照崇德元
年定例

康熙六年題准親王郡王轎夫執事人用繡團獅
子綠緞衣貝勒以下及公以上轎夫執事人用素
綠緞衣

康熙十八年二月禮部題多羅郡王執事比多羅

貝勒執事止多曲柄傘一把孔雀扇二把立瓜二
桿吾杖二桿條子燾一桿旗二桿馬二匹令長子
執事比多羅貝勒執事應添孔雀扇一對吾杖一
對其餘執事俱與多羅貝勒執事同奉

旨依議

康熙二十四年十一月

諭大學士等王等皆用紫韁乘騎或以紫韁濫給微賤之
人乘用又其甚者遂至給與外省官員商賈等輩不待

敝壞而更新騎用者至多大悖儀典良由未經定例以至於王等既束用金黃帶若騎用金黃韉則不得妄給微賤而等威辨矣其令宗人府會同禮部定例議奏十

二月宗人府禮部遵

旨議覆王等應用金黃色馬韉其紫色馬韉原非定例當用應禁止得

旨郡王之長子貝勒貝子著用紫色馬韉餘如議

凡排設儀仗崇德元年定赴

御前不准排設

順治九年題准出京城俱排設遇元旦

萬壽冬至大朝日除纛旗外餘俱排設儀仗至下馬牌止

凡輿馬順治九年定親王乘轎馬至

午門外下郡王至

午門前兩旁樓角下貝勒以下在闕門外下馬牌處下親王以下貝勒以上坐八人明轎貝子以下輔

國公以上坐四人明轎貝勒貝子公坐轎至

皇城外易馬入願騎馬者聽

親王旗鎗五對攢竹樺皮桿長八尺上安鐵鎗頭
下有鐵攢樺皮鎗帽飾以紅纓繫雲緞旗長三尺
闊二尺三寸上銷金雲蟒

豹尾鎗一對硃紅攢竹竿長八尺一寸畫三色金
雲蟒上安鍍金鎗頭下有鐵攢紅油鎗帽畫五色
雲蟒飾以紅纓下懸豹尾

纛二對以緞為旗紅緞火焰邊長三尺三寸濶七尺五寸上銷金雲蟒硃紅薰竹竿長一丈四尺間纏以藤下釘鐵箍上安鍍金頂飾以紅纓大刀二口吾杖二對硃紅攢竹為之長七尺兩末貼金銅箍瀝粉貼金雲二段

立瓜二對硃紅攢竹柄長五尺三寸貼金銅箍刻木為瓜立置於上承以龍頭瓜及龍頭俱瀝粉貼金

卧瓜二對刻木為瓜卧置於上柄長五尺五寸餘制
同立瓜

骨朶二對硃紅攢竹柄貼金銅箍刻木為骨朶承
以龍頭貼金飾共長七尺

紅繡曲柄傘一把頂徑五尺冒以紅羅垂三簷繡
五龍風衣二件帶二條傘骨三十二根竹鐵相間
硃紅攢竹柄長九尺五寸柄曲處用鐵心貼金龍
頭承傘頂安金木葫蘆

紅繡花傘二把紅羅為之上繡四季花直柄長九尺餘制同曲柄傘

紅瑞草傘二把紅羅為之上銷金瑞草餘制同紅繡傘

紅繡扇一對心高二尺三寸濶二尺三寸五分面背皆紅羅而繡四季花背銷金團花硃紅合竹柄長九尺二寸

黑繡扇一對面背皆阜羅面繡孔雀背銷金團花

餘制同紅繡扇

明轎一乘面濶二尺二寸進深一尺八寸高三尺三寸地平濶二尺二寸進深二尺九寸俱施羊肝漆灑金上下雕玲瓏花卉直竿二根各長一丈五尺橫竿二根各長六尺二寸肩扛四根各長五尺撐竿二根各長一尺八寸俱紅漆貼金飾

暖轎一乘銀頂金黃蓋檐紅幃緞璫隨時通高六

尺餘制與明轎同

紅布幪衣油綢雨衣各一件

郡王旗鎗四對硃紅攢竹竿各長八尺貼金雲蟒

上安鐵鎗頭下有鐵襪紅油鎗帽畫五色雲蟒飾

以紅纓懸雲緞銷金雲蟒旗

纛一對

以下諸制俱同親王儀仗惟曲柄傘繡龍四

吾杖二對

立爪二對

卧爪一對

骨朵一對

紅繡曲柄傘一把

紅瑞草傘二把

紅繡扇二把

黑繡扇二把

明轎一乘暖轎一乘紅蓋檐幃餘同前制

乾隆四十六年

諭嗣後阿哥內經朕加恩封為王貝勒貝子公者毋庸
由諸王貝勒等藍甲內均勻攤出給與著加恩照所
封品級另給一分藍甲如此辦理封爵之阿哥等不
分諸王貝勒藍甲而諸王貝勒養贍伊等所屬應得
分例自然足用尤為有益

順治五年七月定諸王貝勒貝子公和碩格格等應
用金器數目親王和碩福晉金鞍各限一器皿不
限郡王瓶一鎗二茶筭二酒罇二餘小器不限貝

勒鐺二茶甯二酒罇一碗三盤三餘小器不限貝
子鐺茶甯酒罇各一碗二盤二公碗盤各一和碩
格格等鐺茶甯酒罇各一碗盤各三酒盃盞不限

公主王妃等儀仗

貴妃車制附

凡公主以下儀仗崇德元年定固倫公主清道旗
一對紅杖一對吾杖一對銷金紅傘一柄青扇一
把拂子一對金唾盃一金水盆一轎車紅蓋紅
幃青鑲蓋角青垂簷和碩公主紅杖一對吾杖一

對銷金紅傘一柄青扇一把拂子一對金水盆一
轎車紅蓋紅幃藍鑲蓋角藍垂簷以上赴朝或坐
轎或坐車止用傘扇紅杖吾杖郡主吾杖一對銷
金紅傘一柄青扇一把拂子一對轎車青蓋青幃
紅鑲蓋角紅垂簷赴朝或坐轎或坐車止用傘扇
吾杖縣主紅杖一對銷金紅傘一柄拂子一對車
青蓋藍幃紅鑲蓋角紅垂簷赴朝坐車止用傘紅
杖郡君紅杖一對銷金青傘一柄車藍蓋藍幃紅

垂簷赴朝坐車用傘紅杖縣君紅杖一對車藍蓋
藍幃紅鑲青垂簷赴朝坐車用紅杖鄉君車藍蓋
藍幃紅鑲青垂簷

順治四年正月定公主格格儀仗公主大旗二桿
吾杖一對立瓜一對卧瓜一對骨朶一對繡花青
扇一對繡孔雀紅扇一對繡寶花紅傘二柄曲柄
傘一柄轎車紅頂紅幔頂上四角鑲邊及垂簷俱
用青和碩格格大旗二桿吾杖一對立瓜一對骨

朵一對繡孔雀紅扇一對繡寶花紅傘二柄轎車
紅頂紅幔頂上四角鑲邊及垂簷俱用藍多羅格
格吾杖一對立瓜一對繡花青扇一對繡寶花紅
傘一柄轎車青頂青幔頂上四角鑲邊及垂簷俱
用紅多羅貝勒女多羅格格轎車青頂藍幔頂上
四角鑲邊及垂簷俱用紅固山格格轎車藍頂藍
幔紅垂簷鎮國公女格格轎車藍頂藍幔青鑲紅
垂簷輔國公女格格轎車藍頂藍幔紅鑲青垂簷

按會典九年題准例即係四年所定不復載

康熙六年題准公主郡主轎夫執事人用繡團獅子綠緞衣縣主轎夫執事人用素綠緞衣

三十年定固倫公主轎車金黃蓋紅幃紅鑲蓋角金黃垂簷郡主轎車紅蓋紅幃青鑲蓋角紅垂簷縣主轎車紅蓋紅幃藍鑲蓋角藍垂簷郡主車紅蓋藍幃藍鑲蓋角紅垂簷縣君車青蓋青幃紅鑲

蓋角紅垂簷鎮國公女鄉君車青蓋藍幃藍鑲蓋
角紅垂簷輔國公女鄉君車青蓋藍幃紅垂簷

凡公主以下鄉君以上慶賀及赴朝儀仗康熙六
年定儀仗至

紫禁城止公主等至下馬牌下轎車其隨入婦女名數
固倫公主五名和碩公主四名縣主三名郡君二
名縣君一名

乾隆五十一年七月

詔向來親王郡王固倫公主和碩公主門上總管首領
太監俱無給與頂戴之例但親王郡王為宗潢屏翰
公主係皇帝親女其諳達太監總管首領太監內即
酌量給與頂戴一人尚不為過分嗣後親王郡王固
倫公主和碩公主太監內各准給八品頂戴一人將
名姓報禮部內務府備查不得私有增益至固倫公
主和碩公主一切禮儀護衛會典內並未定有等級
嗣後固倫公主品秩著視親王和碩公主著視郡王

其額駙品級頂戴著照會典舊例

公主纛一對硃紅薰竹竿長一丈三尺間纏以藤
下有鐵襪上安鍍金頂飾以紅纓懸素緞旗

紅繡曲柄傘一把紅緞為之上繡寶相花

餘制與親王曲

柄傘同

紅繡花傘二把直柄餘制同曲柄傘

紅繡方扇二把高二尺四寸五分濶二尺二寸面
背皆紅緞面繡孔雀背銷金火焰硃紅合竹柄長

九尺二寸

黑花扇二把制同紅繡扇

吾杖一對

立爪一對

卧爪一對

骨朵一對

翟轎一乘紅緞頂衣青緞緣邊并瀝水

餘制與親

王轎同

朱輪車一乘紅緞頂衣青緞緣邊并漚水

餘制與

貴妃車同

乾隆五十一年八月

詔向來固倫公主俱乘坐銀頂轎嗣後固倫公主著乘坐金頂轎和碩公主仍乘坐銀頂轎

貴妃翟車一乘身濶三尺一寸進深四尺七寸柱高三尺三寸五分頂濶四尺五分進深五尺六寸高一尺二寸轅長一丈六尺六寸輪高四尺八寸俱

施金黃油金黃雲緞車衣重簷瀝水紅油裏素純
金頂鍍金銅事件全

金黃布幪衣油紬雨衣金黃氍頂各一件

公主儀仗係工部造辦其郡主等儀仗係自備充
用

凡王妃以下儀仗崇德元年定親王妃清道旗一
對紅杖一對吾杖一對銷金紅傘一柄青扇一把
拂子一對金唾盂一金水盆一轎車紅蓋紅幃青

鑲蓋角青垂簷執事人青衣紅帶青帽銀頂上豎
紅翎赴朝或坐轎或坐車止用傘扇紅杖吾杖側
妃轎車紅蓋紅幃藍鑲蓋角藍垂簷郡王妃清道
旗一對吾杖一對銷金紅傘一柄青扇一把拂子
一對金水盆一轎車紅蓋紅幃藍鑲蓋角藍垂簷
執事人衣帽同前赴朝或坐轎或坐車止用傘扇
吾杖側妃轎車青蓋青幃紅鑲蓋角紅垂簷貝勒
夫人紅杖一對銷金紅傘一柄拂子一對轎車青

蓋青幃紅鑲蓋角紅垂簷執事人衣帽同前赴朝
或坐轎或坐車止用傘紅杖側夫人車青蓋藍幃
紅鑲蓋角紅垂簷貝子夫人車青蓋藍幃紅鑲蓋
角紅垂簷赴朝坐車側夫人車藍蓋藍幃紅垂簷
鎮國公夫人車藍蓋藍幃紅垂簷輔國公夫人車
藍蓋藍幃青鑲紅垂簷鎮國將軍夫人車青蓋藍
幃青垂簷輔國將軍夫人車藍蓋藍幃藍垂簷奉
國將軍夫人車藍蓋白幃藍垂簷

順治四年正月定諸王福晉儀仗和碩親王和碩
福晉大旗二桿吾杖一對立爪一對卧爪一對骨
朵一對繡花青扇一對繡孔雀紅扇一對繡寶花
傘二柄曲柄傘一柄轎車紅頂紅幔四角鑲邊及
垂簷俱用青

按會典載是年所定例青扇紅扇各一把多紅方傘二柄和碩親

王庶福晉多羅郡王多羅福晉大旗二桿吾杖一
對立爪一對骨朵一對繡孔雀扇一對繡寶花紅
傘二柄轎車紅頂紅幔頂上四角鑲邊及垂簷俱

用藍多羅郡王庶福晉多羅貝勒多羅福晉吾杖
一對立爪一對繡花青扇一對繡寶花紅傘一柄
轎車青頂青幔頂上四角鑲邊及垂簷俱用紅多
羅貝勒庶福晉固山貝子福晉轎車青頂藍幔頂
上四角鑲邊及垂簷俱用紅固山貝子庶福晉鎮
國公夫人轎車藍頂藍幔紅垂簷鎮國公庶夫人
輔國公夫人轎車藍頂藍幔青鑲紅垂簷輔國公
庶夫人轎車藍頂藍幔紅鑲青垂簷

八年二月更定和碩親王大福晉車轎青簷為紅
簷其後封端重親王敬謹親王大福晉車轎簷仍
鑲青儀仗內減青花扇二把

是年五月定世子福晉儀仗纛二吾杖二立瓜二
卧瓜二骨朵二紅孔雀扇二紅寶花傘二曲柄傘
一車轎紅頂紅幃頂上四角鑲邊及垂簷俱用青
順治九年題准親王妃纛二桿吾杖一對立瓜一
對卧瓜一對骨朵一對紅繡寶花傘二柄曲柄傘

一柄青繡寶花扇二把紅繡孔雀扇二把轎車紅
蓋紅幃青鑲蓋角紅垂簷側妃轎車青垂簷減青
繡寶花扇二把餘俱同世子妃儀仗轎車與親王
側妃同世子側妃纛二桿吾杖一對立爪一對骨
朵一對紅繡寶花傘二柄紅繡孔雀扇二把轎車
紅蓋紅幃藍鑲蓋角藍垂簷郡王妃儀仗與世子
側妃同轎車照先定例郡王側妃吾杖一對立爪
一對紅繡寶花傘一柄青繡寶花扇二把轎車青

蓋青幃紅鑲蓋角紅垂簷貝勒夫人儀仗轎車與
郡王側妃同貝勒側夫人轎車青蓋藍幃紅鑲蓋
角紅垂簷貝子夫人以下奉國將軍淑人以上車俱
各照先定例

康熙六年題准親王妃側妃郡王妃執事人及轎
夫用繡團獅子綠緞衣郡王側妃貝勒夫人執事
人及轎夫用綠素緞衣

三十年定親王妃轎車紅蓋紅幃青鑲蓋角金黃垂

簷側妃轎車紅蓋紅幃青鑲蓋角紅垂簷其世子
妃轎車與親王側妃同側妃轎車紅蓋紅幃青鑲
蓋角青垂簷郡王妃轎車與親王世子側妃同側
妃轎車紅蓋紅幃藍鑲蓋角藍垂簷

以上車轅輪
俱用紅色

郡王長子妃轎車與郡王側妃同側妃轎車紅蓋
青幃青鑲蓋角紅垂簷貝勒夫人轎車與郡王長
子側妃同側夫人轎車紅蓋藍幃藍鑲蓋角紅垂
簷貝子夫人車與貝勒側夫人同側夫人車青蓋

青幃紅鑲蓋角紅垂簷

以下車轅用紫色

鎮國公夫人車

與貝子側夫人同側夫人車青蓋青幃藍鑲蓋角

紅垂簷輔國公夫人車與鎮國公側夫人同側夫

人車青蓋藍幃紅垂簷

以上車轅用青色輪用紅色蓋幃垂簷用緞

鎮

國將軍夫人車與輔國公側夫人同輔國將軍夫

人車藍蓋藍幃紅垂簷奉國將軍淑人車青蓋青幃

青垂簷奉恩將軍宜人車青蓋青幃青垂簷

以上車轅用青

色輪用紅色蓋

幃垂簷用素緞

凡王妃以下公夫人以上慶賀及赴朝儀仗康熙
六年定儀仗至

紫禁城止妃等至下馬牌下轎車其隨入婦女名數
親王妃世子妃四名郡王妃三名貝勒夫人二名
貝子夫人公夫人一名

八旗官員儀從

命婦車附

崇德間定固倫額駙彩畫雲紅傘一柄豹尾鎗二桿旗六
桿紅杖二桿其執事人役青衣紅帶青氈帽銀頂

上插紅翎城內止排傘杖超品公和碩公主額駙
金黃傘一柄豹尾鎗二根旗六桿城內止用夜不
收二名後隨人十名民公郡主額駙金黃傘一柄
豹尾鎗一桿旗六桿城內止用夜不收二名後隨
人八名都統子尚書縣主額駙金黃傘一柄旗六
桿城內止用夜不收二名後隨人六名內大臣大
學士副都統護軍統領前鋒統領侍郎郡君額駙
旗六桿城內止用夜不收二名後隨人四名一等

侍衛護衛叅領前鋒叅領縣君額駙學士滿啟心
郎郎中旗四桿城內止用後隨人四名二等侍衛
護衛鄉君額駙佐領員外郎旗二桿城內止用後
隨人二名三等侍衛護衛護軍校主事以下官員
許隨從一人

順治三年五月定品官引導公以下理事官以上
大灑金扇一柄小灑金扇一柄甘蔗棍一對如係
宗室覺羅官員用紅柄扇紅棍轄員不論有無世

職不許用引導七月定各官引導部院各官執甘
蕉棍一對公侯都統內大臣總管燾章京副都統
叅領等官俱執棕竹棍灑金扇如前

順治三年定公掌扇貼方金一塊一品官掌扇貼
圓金四塊二品官掌扇貼圓金三塊三品官掌扇
貼圓金二塊四品官用灑金掌扇五六七品官用素黑
掌扇八九品官用白掌扇

順治六年五月定公以下四品以上官員出京執

欽定四庫全書

卷八十

事三等公和碩額駙用金黃傘二柄旗十面侯伯
金黃傘一柄旗十面一品官金黃傘一柄旗八面
二品官金黃傘一柄旗六面三品官金黃傘一柄
旗四面四品官旗四面其在京所用扇棍等物仍
照舊行

八年三月定侯伯扇制侯用二面貼金三尖月扇
伯用二面貼金大團月扇其滿官自佐領等品以
上悉用執事

順治八年題准民公和碩公主額駙杏黃傘二柄
旗十桿大小扇二把貼方金四塊侯郡主額駙杏
黃傘一柄旗十桿大小扇二把貼方金三塊伯杏
黃傘一柄旗十桿大小扇二把貼方金一塊一品
官杏黃傘一柄旗八桿大小扇二把貼圓金四塊
二品官杏黃傘一柄旗六桿大小扇二把貼圓金
三塊三品官杏黃傘一柄旗六桿大小扇二把貼
圓金二塊四品官旗四桿灑金大小扇二把五品

以下官仍照三年例行以上傘旗止許京城外用
京城內不許排列凡宗室覺羅各官扇柄及棍俱
用紅油凡各官進

皇城止許用小扇不許用大扇及棍

順治元年四月定公侯伯都統尚書內大臣大學
士

皇城外許坐四人暗轎不願坐轎願騎馬者聽公以
下有棍扇者扇上各寫職銜一半滿字一半漢字

康熙元年題准公侯伯都統內大臣鎮國將軍子
輔國將軍護軍統領前鋒統領副都統男大學士
學士尚書左都御史侍郎副都御史鑾儀使通政
使大理寺卿以上在

皇城外坐四人暗轎願乘馬者聽

乾隆十五年

諭本朝舊制文武滿漢大臣凡遇朝會皆乘馬並不坐
轎從前滿洲大臣內有坐轎者是以降旨禁止武大

臣坐轎未禁止文大臣坐轎今聞文大臣內務求安
逸於京師至近之地亦皆坐轎若謂在部院行走應
當坐轎則國初部院大臣未嘗坐轎此由平時不勤
習技業惟求安逸之所致也滿洲大臣尚思本朝舊
制遵照奉行似此並不演習乘馬倘遇緊急官差將
何如耶嗣後文大臣內年及六旬實不能常乘馬者照
常坐轎其餘著禁止再王公等不分老幼一概坐轎
亦非古道嗣後長朕一輩之王公等照常坐轎其餘

王公內有高年者亦許坐轎餘皆乘馬王等既有儀衛除年節列儀衛坐轎朝賀外平時皆著乘馬將此通行傳知倘禁止後有坐轎者著查旗御史即行查叅若御史不叅奏經朕訪聞一併治罪斷不寬宥

又

諭前因諸王及滿洲大臣等皆互尚安逸行動坐轎並不乘馬經朕降旨禁止坐轎是令伊等嫻習武藝勿致廢弛滿洲舊制之意並非謂大臣等不應坐轎也

近聞王大臣內有坐車者試思坐車與坐轎何異視此乃王大臣等全未識朕欲挽回滿洲舊制之意轉似有心致朕降旨亦覺赧顏誠不知伊等是何居心也朕思王大臣早起來圓明園連朝奏事或身有疾病坐轎亦未為不可嗣後諸王及滿漢文職一品大臣如早起來圓明園或身有微疾者照常坐轎王大臣等不識朕意仍總不乘馬專坐轎者經朕察出必懲數人以為衆戒伊等各宜仰體朕體卹之意勿致

廢弛滿洲武藝應乘馬之處照常乘馬弔勉向上再
八旗大臣以上不應坐轎久經禁止近聞有坐車者
伊等有何勞苦官差亦尚安逸坐車耶且伊等既有
教訓官兵之責理宜為衆表率嗣後八旗大臣及部
院二品以下堂官倘有坐車之人著御史等指名題
叅朕必將違禁之人治罪斷不寬宥

康熙元年定公和碩公主額駙旗十桿杏黃傘二
柄金黃棍二對執事人青衣綠帶紅氍帽銅頂上

挿綠翎京城內止用傘一柄侯伯郡主額駙旗十
桿杏黃傘一柄金黃棍二對執事人服色與公同
都統鎮國將軍內大臣縣主額駙子大學士尚書
左都御史等旗八桿杏黃傘一柄金黃棍一對執
事人青衣綠帶紅氍帽銅頂

六年定頂
上挿綠翎

輔國將軍

郡君額駙護軍統領前鋒統領副都統男侍郎學
士九卿正卿鑾儀使副都御史步軍總尉等旗六
桿杏黃傘一柄金黃棍一對執事人服色與都統

同三品官執事與輔國將軍等同四品官旗四桿
京城內一品官以上用傘一柄棍一對二品官棍
一對

三年題准子散秩大臣在京城內停排執事京城
外許排散秩大臣內有世襲子者照子品級排執
事

四年題准四品以上官乘馬准用踢胸凡在京文
官大九卿詹事以上武官副都統男散秩大臣以

上准令一人引馬前導其餘各官不許用引馬

五年題准各省駐防將軍副都統照在京都統副

都統排列執事

康熙七年八月

命都統內大臣大學士尚書精奇尼哈番以上各照實級
用棍傘行走不必照加級護軍統領前鋒統領副都統
侍郎亦不必照加級各照職掌品級用執事行走餘俱
照現行例

康熙七年題准凡加太師公和碩公主額駙金黃
棍二對改為紅棍二對棍頭用銅鑲執事人用綠
布衣綠帶紅氍帽銅頂上挿綠翎傘扇照前定例
民公及加級侯郡主額駙金黃棍二對改為紅棍
二對棍頭用銅鑲執事人衣服仍照舊例

崇德間定超品公命婦車青蓋青幃青垂簷三等
公命婦車青蓋青幃藍垂簷都統子尚書等官命
婦車青蓋藍幃青垂簷內大臣大學士副都統護

軍統領前鋒統領侍郎等官命婦車藍蓋藍幃藍垂簷一等待衛護衛叅領前鋒叅領學士滿啟心郎郎中等官命婦車藍蓋白幃藍垂簷二等待衛護衛佐領等官命婦車藍鑲白蓋白幃藍垂簷

順治四年正月定公夫人轎車青頂青幔綠垂簷銀頂一品官員妻轎車頂幔垂簷俱用青色銀頂二品官員妻轎車青頂藍幔青垂簷三品官員妻轎車藍頂藍幔青垂簷四品官員妻轎車頂幔垂

簷俱用藍色五品官員以下及有頂帶官員妻轎
車藍頂藍幔無垂簷俱錫頂民人妻轎車藍頂幔
無垂簷黑油木頂

順治八年題准三等公命婦車青蓋青幃綠鑲蓋
角綠垂簷銀頂侯伯命婦車青蓋青幃綠垂簷銀
頂按一品以下官員命婦及民婦車
俱與順治四年定例同不復載

康熙元年題准三品以上官員命婦車用銀頂四
品以下至民婦車俱用錫頂違者治罪

三十年定三等公命婦車綠蓋青幃青鑲蓋角綠
垂簷侯伯命婦車綠蓋青幃藍鑲蓋角綠垂簷內
大臣都統大學士尚書左都御史子命婦車青蓋
青幃綠鑲蓋角綠垂簷閑散大臣前鋒統領護軍
統領步軍統領副都統侍郎學士副都御史通政
使司通政使大理寺卿詹事府詹事男命婦車青
蓋青幃綠垂簷

以上車蓋幃垂簷俱用素緞

一等侍衛叅領步

軍總尉王府長史太常寺太僕寺光祿寺等正卿

國子監祭酒通政使司左右通政大理寺少卿督
捕衙門理事官內閣侍讀學士翰林院講讀學士
侍講侍讀詹事府少詹庶子諭德洗馬鴻臚寺正
卿郎中給事中監察御史太常寺太僕寺光祿寺
等少卿輕車都尉命婦車青蓋青幃青垂簷以上俱用
銀頂開散宗室二等侍衛佐領貝勒長史欽天監監
正內閣侍讀國子監司業鴻臚寺少卿通政使司
叅議詹事府中允員外郎步軍副尉騎都尉命婦

車青蓋藍幃青垂簷三等侍衛雲騎尉五品以下

官員命婦車藍蓋藍幃青垂簷

以上俱用錫頂蓋
幃垂簷用布轆轤

用青民公侯伯以下有頂帶官員以上命婦車各

照伊夫現在品級不准以加級用

欽定八旗通志卷八十

欽定四庫全書

欽定八旗通志卷八十一

典禮志四

八旗祀典一

太廟配享 王公 堂子祀典
王府廟祀 功臣廟祀 昭忠祀典

太廟配享

東廡

配位自
北起

多羅通達郡王

順治十一年
設位配享

武功郡王

武功郡王妃

崇德元年
設位配享

多羅惠哲郡王

多羅惠哲郡王妃

順治十一年
設位配享

多羅宣獻郡王

多羅宣獻郡王妃

順治十一年
設位配享

禮親王

乾隆四十三年
設位配享

睿親王

乾隆四十三年
設位配享

鄭親王

乾隆四十三年
設位配享

豫親王

乾隆四十三年
設位配享

肅親王

乾隆四十三年
設位配享

克勤郡王

乾隆四十三年
設位配享

怡賢親王

雍正八年
設位配享

西廡

配位自
北起

直義公費英東

崇德元年
設位配享

宏毅公額亦都

崇德元年
設位配享

武勲王揚古利

順治元年
設位配享

忠義公圖爾格

順治九年
設位配享

昭勲公圖賴

順治九年
設位配享

文襄公圖海

雍正二年
設位配享

超勇親王策凌

乾隆十五年設位配享

大學士鄂爾泰

乾隆十年設位配享

功臣配享入

廟儀

禮部承

旨具疏行工部製神主龕座祭案具製成擇吉鐫字如

式恭遇四時大饗前期遣官一人祇告

太廟如常儀是日太常寺官入

廟設龕座於配享之次陳俎豆饗儀衛設采亭於工部堂

露臺上奉神主遣官一人

諸王以郡王功臣以大臣

詣工部奉

主置采亭內民校舁行前列御杖

王吾杖功臣引杖

自工

部中門出鴻臚寺官二人乘馬前引遣官從至東

長安門

王至天安門

御仗采亭止遣官自亭奉主鴻臚

寺官二人導引由東長安左門入

端門左門至

太廟戟門右門

自街門入皆由右出

鴻臚寺官止太常寺官引至甬

道右拜位

王階上功
臣階下

北面立遣官置主於拜位代

行三跪九叩禮畢奉神主興奉安於配享之次行

三叩禮退

王公

堂子祀典

凡月朔致祭崇德元年定每月初一日親王以下

貝子以上每府派一人齋戒一日詣

堂子供獻

今自郡王
以上供獻

凡

堂子春秋二季立竿致祭崇德元年定親王郡王貝勒每家各祭三竿貝子鎮國公輔國公每家祭二竿鎮國輔國奉國將軍每家各祭一竿不祭者聽無爵宗室不得祭其每月致祭日期初一日

大內致祭初二日以後親王郡王貝勒各以次輪一日致祭各府應祭之日若遇

大內致祭則應祭之家停祭貝子公等依次致祭凡

祭三竿之家於定期內各祭一竿過十一日後再
各祭二竿或致祭日有兩三家同祀神者仍依次
俟應先祭之家祭畢次祭之家方祭如諸王貝勒
於定期致祭之日有事不得祭預期知會禮部令
次祭之家致祭其有事者隨便補祭凡為馬羣致
祭者親王以下輔國公以上許祭鎮國將軍以下
不許祭有違例多祭併爭祀神者議處凡官員庶
民等設立

堂子致祭者永行停止

康熙二年定親王立竿致祭之期第一康親王府
第二顯親王府第三莊親王府第四安親王府第
五裕親王府第六簡親王府

四年定郡王立竿致祭之期第一溫郡王府第二
惠郡王府第三信郡王府第四平郡王府第五順
承郡王府

乾隆十九年

諭王公等建立神竿應按爵秩設立整齊以肅觀瞻嗣後著每翼作為六行每行六分以未分封皇子等列於前其次則親王郡王貝勒貝子公等分為六層設立神杆皇子內已受封爵者其神杆視所封爵立於應立之處所有石座不必移動神杆各按爵秩更換每年修整一次著禮部會同內務府總管察看繪圖進呈著為例欽此遵

旨議準神杆石座每翼作為六行每行列六座

皇子神杆列前一行其次親王郡王貝勒貝子公
各按行排列見在左翼親王七人郡王三人貝勒
三人貝子一人公二人應將第七親王神杆石座
列于次行郡王之首餘皆按次排列右翼親王四
人郡王六人貝勒二人貝子一人公十有七人
數多寡不齊應將親王列於前其次郡王貝勒貝
子公按一行六座之數通融序列嗣後遇有應那
移神杆宗人府豫期行文禮部註冊至年終禮部

堂官會同內務府總管赴

堂子敬閱將神杆石座修整一次

凡掛錢崇德六年定每年元旦早親王以下貝勒
以上赴

堂子掛紙錢貝子以下不掛

今郡王以上掛紙錢貝勒以下不掛

王府廟祀

崇德元年定宗室封王者立家廟致祭

順治五年定宗室封王無嗣者

太廟祔祭有嗣者令其子孫立家廟致祭

十年定郡王以上祀追封祖父於家廟貝勒以下祀追封祖父於墳墓

一建廟莊親王立一廟禮親王巽親王謙郡王共立一廟肅親王立一廟饒餘郡王端重親王共立

一廟穎親王順承郡王共立一廟豫郡王

崇乾隆四十三

年奉立一廟克勤郡王衍禧郡王共立一

復親王封號

廟

雍正九年定怡賢親王立一廟

乾隆四十四年奉

旨特建睿忠親王祠

一祭期定於正月四月七月十月歲暮日前期三

日齋戒候

皇帝祭

太廟諸王陪祭禮畢各回府致祭凡有薦新品物如

太廟未獻之先不許家廟供獻

一廟制立廟七間中五間為堂左右二間隔以牆
為夾室堂後楣以北五室中奉始封之王世世不
祧高曾祖禰依世次為二昭二穆昭東穆西親盡
則祧由昭祧者藏主於東夾室升昭之二位於一
室以二室奉升祧之主由穆祧者藏主於西夾室
升祧亦如之庭繚以垣南為中門又南為廟門左
右各設側門庭東西廡各三間東藏遺衣冠西藏
祭器樂器廟重檐丹楹采桷綠瓦紅堊壁階祀三

出陛門繪五色花草出陛如之焚帛爐在中門之內東南隅封牲房在中門之外西向

一牌位高二尺寬四寸朱紅色上刻追封諡號墨書設於紅油漆龕內設紅片金帳幔其廟中王位以居中為尊餘分列左右如止一王正設中間

一供品每位前設紅案一銅香鑪一銅燭臺二銅花瓶二供湯飯菜品紅案一盛帛紅漆匣一供牲槽一白磁爵六銀鑲象筋二雙銀匙二香盒一酒

尊一銀壺一銀杓一白色帛二端無妃者止用帛
一爵三匙一筋一雙獻帛紅案一祭文案一每王
一位用豕一羊一菓品八盤麵餅四盤飯二碗湯
二碗所用樂器與王府樂器同

一致祭前三日王及子弟護衛所屬官員執事人等
妃及隨從婦女俱各齋戒前一日備辦祭品宰牲祭日
於神位前供祭品大門兩旁設鼓樂畢王率子弟護衛
所屬官員俱朝服從廟大門東旁門進至廟東簷下向

西立子弟在階上向西立護衛及所屬官員在階下分班對立執香盒人詣香案旁立引禮人引王從廟左門進至香案前立子弟護衛所屬官員各依本位向上排立引禮人贊跪王跪贊上香執香盒人跪進香王接炷香拱舉上爐內又三上辦香如左右有王位者先詣左位次至右位次第上香畢復位立引禮人贊跪叩興門外作樂王行二跪六叩頭禮興子弟護衛所屬官員俱隨行禮畢樂

止引禮人贊奠帛初獻樂作執帛爵官捧帛爵在
王左跪接帛爵官在王右跪引禮人贊跪王跪受
帛拱舉授右接帛官王又受爵拱舉授右接爵官
王又受妃位前爵拱舉授右接爵官各官捧帛在
前爵在後至位前捧帛官跪獻三叩頭捧爵官立
獻各退樂止如兩旁有王位護衛捧帛酒分獻引
禮人贊興王興讀祝人於祝文案前一跪三叩頭
捧祝文在案東立引禮人贊跪王及子弟護衛所

屬官員并讀祝人皆跪引禮人贊讀祝讀畢讀祝人捧祝文送至中位前跪獻於帛匣內三叩頭退引禮人贊叩興王等俱行三叩頭禮興引禮人贊亞獻樂作獻爵如初獻儀樂止引禮人贊終獻樂作獻爵如亞獻儀樂止引禮人贊跪叩興樂作王率子弟護衛及所屬官員行二跪六叩頭禮畢興樂止引禮人贊捧祝帛詣燎爐前樂作捧祝帛官進前一跪三叩頭各捧祝帛興捧香官跪取香置

盒內興王率子弟等俱退在西旁立各官捧祝文
在前次帛次香俱從中道行至爐前焚祝帛贊禮
畢王等皆出樂止妃率隨從婦女俱朝服從西旁
門入由廟右門進排立行禮畢撤祭物回如王有
事不得親祭令子弟代祭如無子弟令護衛代祭
其奠帛祭品該王自行備辦引禮人於所屬官員
內選充其祝文內院撰給體式

功臣廟祀

孔武壯王祠

順治十一年

勅建定南武壯王祠建祠于廣寧門外中設一案以妃白
氏李氏配每年二月八月致祭遣太常寺堂官行
禮

致祭禮儀

一祝版白紙墨書前一日太常寺堂官捧送至祠
堂安設紅案上上香一跪三叩頭退

一陳設供品

素帛三

白色

白錫爵九

羊一

豕一

菓品五

核桃荔枝圓眼
棗栗各一盤

酒一樽

一正祭日遣祭官行二跪六叩頭禮

祭文

維

年歲次

月

日

皇帝遣某官某

諭祭於定南武壯王孔有德之靈曰人臣盡忠仗節矢
天日而不渝朝廷恤死酬勲撫歲時而增感爾定南
武壯王孔有德膚功早著偉烈長存茲當仲春秋之辰
益念忠良之績特頒祭典用慰幽靈王如有知尚克
歆饗

鈕祜祿氏恪僖公祠

康熙十九年

敕建恪僖公祠建祠于安定門外中設一案以縣主一品

夫人舒舒覺羅氏配每年二月八月致祭遣太常

寺堂官行禮

致祭禮儀與
武壯王同

祭文

維

年歲次

月

日

皇帝遣某官某

諭祭於恪僖公遏必隆之靈曰沛隆恩於勲舊國有彝
章展時祭于春秋禮逾常格爾恪僖公遏必隆名垂
青簡績著豐碑矧追椒寢於所生宜薦專祠以有永

茲當春秋仲申侑几筵靈如有知尚克歆饗

佟氏勤襄公忠勇公端純公祠

雍正二年

敕建勤襄公忠勇公端純公祠建祠於朝陽門外祠內設
三案勤襄公居中以一品夫人覺羅氏配忠勇公
左以一品夫人他塔喇氏溫都氏配端純公右以
一品夫人赫舍哩氏配每年二月八月致祭遣太

常寺堂官行禮

致祭禮儀俱
與武壯王同

祭文

維

年歲次

月

日

皇帝遣某官某

諭祭於勤襄公佟圖賴忠勇公佟國綱端純公佟國維
之靈曰崇功報德禮首逮於元臣錫類推恩誼尤敦
于懿戚考彛章而立廟因時序以薦觴惟爾一門宣
猷累葉効忠貞而體國名著旂常秉孝義以型家芳
傳國史望高閭閻蔚為勲舊之宗慶衍庭幃光啟

聖慈之範茲當

春秋

仲特遣尚官設奠几筵靈其歆饗

圖文襄公祠

雍正二年

敕建文襄公祠建祠于德勝門外中設一案以一品夫人

覺爾禪氏鈕祜祿氏配每年二月八月致祭遣太

常寺堂官行禮

致祭禮儀俱與武壯王同

祭文

維

年歲次

月

日

皇帝遣某官某

諭祭於文襄公圖海之靈曰義重酬勲眷鈞衡之舊德
禮隆秩祀因節序以申恩爾文襄公圖海望高國器
功贊王猷表世德于戟門生膺第祿贈崇階于鼎爵
歿被榮名煥新綽而建祠遣耑官而致祭時當春秋仲
式布几筵靈其有知尚能歆格

宏毅公祠

乾隆二年

敕建宏毅公祠建祠於安定門外每年二月八月致祭

遣太常寺堂官行禮

致祭禮儀與武壯王同

祭文

維

年歲次

月

日

皇帝遣某官某

諭祭於宏毅公額亦都巴圖魯之靈曰誼重酌庸茂典

聿加于勲舊禮隆展祀歲時宜備于馨香爾宏毅公

額亦都巴圖魯開國名臣從龍上佐表成勞于鐘鼎

青史揚芬紀偉績于旂常豐碑示寵既叨恩于廟食
更賜祭於專祠式賁新綸允符彝憲時當春秋仲用布
几筵靈而有知尚克歆格

恪僖公敏果公莊愨公祠

乾隆十四年

敕建恪僖公敏果公莊愨公祠建祠於東安門內祠內
設三案恪僖公居中以一品夫人覺羅氏配敏果
公左以一品夫人穆漢覺羅氏博爾濟吉特氏配

卷八十一
莊愨公右以一品夫人覺羅氏配每年二月八月

致祭遣太常寺堂官行禮

致祭禮儀與
勤襄公同

祭文

維

年歲次

月

日

皇帝遣某官某

諭祭於恪僖公哈世屯敏果公米思翰莊愨公李榮保
之靈曰禮隆念舊千秋之俎豆攸光義重酬庸奕代
之馨香勿替考彝章而秩祀因時序以申恩惟爾一

門夙稱望族忠誠體國數傳紀績于旂常端敬型家
累葉垂芳于圖史祥開坤極早錫榮封佑啟勲賢復
新廟貌命祀官而陳芬苾落成已賁思綸隨節候而
展几筵歲薦彌昭懿典茲當春秋仲常祀聿修靈如有
知尚其歆格

表獎忠勲祠

雍正二年

諭朕惟周禮有司勲之官凡有功者書銘太常祭于大烝

祭法曰以死勤事則祀之所以崇德報功風勵忠節也
我

太祖高皇帝肇造鴻圖

太宗文皇帝式廓區夏

世祖章皇帝奄有萬邦自創業以至定鼎將帥之臣致命
立功者不少

聖祖仁皇帝臨御六十一年中間殲滅三逆永清沙漠以
及平定西藏臺灣雖天戈所指如疾風振槁而師旅臣

之捐軀馬革及守土官之見危授命者所在多有邇者
青海蕩平西域效順然自用兵以來將士奮勇前驅亦
有歿於行陣者此皆盡忠報國之臣朕甚嘉之亦甚憫
之當於京城建廟立祠春秋妥侑世世血食其偏裨士
卒力戰敵愾捨生取義者亦附列左右以褒崇大節揚
表芳徽俾遠近觀德勃然生忠義之心於治道亦有裨
益遵

旨議准兵部詳查檔案行文八旗直省巡撫凡臨陣捐軀

守土授命之文武諸臣及偏裨士卒赤心報國奮
不顧身者詳繕籍貫事績具奏交工部於京城內
建立祠宇製造牌位恭請

欽定匾額懸掛將文武諸臣牌位安設正祀偏裨士卒牌
位安設兩廡入祠之日太常寺前期奏請遣大臣
一員致祭祭文由翰林院撰擬每年春秋二季交
太常寺備辦仍交翰林院分派各員詳查

實錄國史方畧各館檔案移取兵部清冊各為立傳彙成

一編垂諸永久

是年

欽定祠名表獎忠勲

御書匾額給賜

御製昭忠祠碑文

朕惟疆場用命因敵愾以效忠行陣爭先值臨危而殉
節追尋壯槩殊切軫懷載建豐碑用光崇祀爾和碩敬
謹親王尼堪等賦資雄毅秉性堅貞均際會於從龍各

圖功於汗馬我國家蕩平區寓命上將以專征綏靖邊
陲張王師而撻伐戈鋌所向旋見廓清貔虎前驅一惟
奮勇或氣凌勁敵縱橫萬衆之中或志銳先登出入重圍
之內王公將帥既赴義以如歸裨校卒徒亦銜恩而自
矢勵致身之素志蹈必何辭耿報國之丹誠嬰鋒不顧
芳名常著摛文宜付於史官英爽猶生勤事允符於祀
典乃者構成棟宇羅設几筵考厥官資定其位次握麾
擁節並盼鑾於一堂擐甲荷戈得從班於兩廡懸之巨

榜表厥忠勲錫以綸章昭茲節烈於戲華楹敞朗長迴
日月之輝雕簷嵯峨永壯風雲之色聿傳久遠式載寵
榮

昭忠祠典

昭忠祠之禮凡親王郡王貝勒貝子公侯伯大學
士內大臣尚書都統將軍總督一品子爵前鋒統
領護軍統領侍郎巡撫副都統二品男爵三品京
卿提督總兵官及武職加贈至正從一品等官各

奉安於前室位均南向凡四品卿翰林學士布政使按察使一等侍衛叅領輕車都尉及武二品之副將等官奉安于後正室凡五品少卿二等侍衛道府佐領騎都尉及武三品之叅將遊擊等官奉安于後左室凡侍講侍讀御史郎中員外郎主事三等侍衛雲騎尉及武四品之都司等官奉安于後右室位均南向凡同知知州通判驍騎校及武五品之守備等官奉安于前東配室凡知縣筆帖

武州同縣佐以下及武六品之千把總等官奉安
于前西配室東位西向西位東向配室左右及前
廡東西羣房凡陣亡士卒以其名祔歲春秋仲月
諏吉遣大臣一人詣前室致祭太常寺官十有三
人各分獻所祀王公子孫暨諸臣子孫在京師者
咸與行禮祭之日太常寺官入祠供具前室七案
中室羊一豕一果實五盤左三案各果實五盤共
羊一豕一右如之中左右各香案一鑪一盞二後

正室五案後左右室各三案每案果實五盤共羊

一豕一爵三

中案奠獻餘爵實酒
豫設配室及房廡同

每室統香案一

鑪鐙具東西配室各五案陳設如之前廡及後東

西羣房每案果實二盤豕肉一爵三鑪鐙具前室

中設一案少東北向供祝版東西序設案分陳香

帛尊虛爵後室及前配室左右房廡分陳香帛

房廡

不設帛

尊虛爵如儀漏未盡與祭者各服其服畢集

祠門內太常寺典儀立室東檐下司祝立祝案東

司香司帛司爵各以其職為位掌燎率燎人立燎
鑪前質明承祭官暨分獻官朝服詣祠贊禮郎引
承祭官由中門入至東階下盥手畢升階就拜位
前立引後室分獻官各于中檻外序立引前配室
及房廡各分獻官于甬道上東西序立鴻臚寺官引
陪祀宗室王公及大臣官升後裔見任一品二品
者于階上東西三品以下五品以上于階下東西
六品以下及有職者在大門內階下東西按班序

立典儀贊執事官各共迺職贊禮郎贊就位承祭
官就位贊禮郎引由前室中門入詣香案前立贊
上香司香跪奉香承祭官上炷香三上辦香以次
詣左右香案前上香如儀贊復位承祭官復位贊
叩興承祭官分獻官暨與祭者均行二跪六叩禮
興典儀贊奠帛爵行初獻禮前室司帛奉篚各奠
于案三叩興司爵奉爵各奠于正中皆退同時後
室東西配室房廡分獻官分詣各香案前上香如

儀執事生獻帛于案司爵獻爵中案正中退司祝
詣祝案前跪三叩興奉祝版立案右典儀贊讀祝
司祝北面宣讀承祭官及分獻官立聽與祭者跪
聽詞曰維某年月日

皇帝遣某官某

諭祭八旗直省盡節立功王大臣等之靈曰周禮有司
勲之職名勒旗常祭法載勤事之文先生俎豆蓋舍
生取義臣子抒報國之忱而報德酬庸朝廷示作忠

之典英標如在渥澤宜頌爾王大臣等丹心自勵正
氣挺生果敢本於性成見危授命忠誠矢于敵愾視
死如歸生當開創之年執銳披堅實賴千城之佐運
際承平之日安邊除暴亦資禦侮之材或陷陣以爭
先或守土而盡職或被誘不辱乃授首以從容或深
入無援遂致身于倉卒雖天戈所指如振槁而摧枯
乃大義為昭可凌霄而貫日我

皇考軫念曩烈誕貴殊榮命立專祠俾膺特典王公將帥

躋正宇之輝煌士卒偏裨列兩廡而陪侍蓋所以表
忠貞于既往昭節義于無窮朕洪紹丕基遵行常祀
恭書竹帛既揚久遠之芳徽禮薦牲牢勿替春秋之
血食必芬在列靈與歆承讀訖以祝版奉安于中案
篚內跪叩如初興退與祭者咸三叩興亞獻終獻
均如初儀贊禮郎贊跪叩興承祭官分獻官及與
祭者均行二跪六叩禮典儀贊奉祝帛送燎有司
奉祝帛香以次送燎承祭官視燎贊禮畢仍由中

門出各退

欽定八旗通志卷八十一